



# La Skota Mondo

Vol iv Nr 19  
3.a jarkv 1973

# S ★ E ★ L

Fondinto: "Avoto"

Kunfondinto: J.W. Leslie

Honoraj Prezidantoj:

"Avoto". Norman Booth.

D.H. Davis. L.J. Van Gulck

Prezidanto: John Berggreen,  
Brattvollveien 23 c,  
Oslo 11, Norvegujo

Sekretario: J. K. Hammer,  
Taxisstraat 7, Zaandam,  
Nederlando.

Poŝtĝirkonto 63 22 46.

Kasisto kaj Administranto de  
"La Skolta Mondo":

David H. Withey, 21 Brook-  
field Avenue, Waterloo,  
Liverpool L 22 3YE, Britujo  
Telefona WAT 2936

Redaktoro: Hans Amund Rosbach,  
Nergata 37 c, N-6500  
Kristiansund N, Norvegujo:

La Skolta Mondo aperas kvar-  
foje en la jaro.

Okaze de nericevo, bonvolu  
sciigi vian Nacian Reprezen-  
tanton aŭ la Administranton.

## 20 popularaj

Skolta Esperantista Ligo el-  
donis novan kajeron - modes-  
tan, jes, tre modestan, kun  
la nomo "Dudek popularaj kan-  
toj".

Flava kovrilo iomete fortika  
kovras 16 paĝojn, kun mult-  
obligita teksto, la kantoj  
estas skribitaj "kantece", t  
e kun ĉiu linio de la kanto  
kiel linio en la kajero. La  
multobligita teksto estas tre  
klara. La grandeco (kvarono  
de A4-paĝo) ebligas, ke vi  
poyas meti la kajeron en vian  
poŝon, kaj la simpleco de la  
eldono, ke vi kuraĝas tiel  
fari, vi ja ne difektos ion  
valoran.

Unu manko: Simplaj muziknotoj  
mankas, kaj ili ja helpus se  
kanto estus nekonata kaj vi  
scipovus legi ilin.

Mendu ĉe la Ĝenerala Sekre-  
tario aŭ ĉe via Nacia Repre-  
zentanto.

1 ekz f 0.50, 10 ekz f 2.50,  
inkl. afr,

## Kiam mi

rericevis la lastan numeron de la  
presejo, mi vere miris. Miris pro  
la stranga eraro, kiun mi faris:  
Mi miskalkulis la paĝojn, tiel ke  
la numero prezentigis kundu tute  
blankaj paĝoj. Kaj la tre valora  
artikolo "Internacia skoltado" -  
kiu devus esti sur la kvar mezaj  
paĝoj - pro tio ricevis ne saman  
utilan lokiĝon. Pro tio mi petas  
pardonon: Ordinare mi kapablas  
kalkuli ĝis 12.

Nun mi esperas, ke tiu ĉi numero  
plaĉos al la legantoj, kaj ke vi  
studas kaj utiligas al vi la kvar  
paĝojn "Internacia skoltado". Vi  
trovos sur ili plej bonajn ideojn  
per kiuj vi mem profitos, kaj per  
tio via propra skoltgrupo - kaj



komprenoble ankaŭ nia Ligo.

LA SKOLTA MONDO. Tio estas tre  
ambicia nomo. Helpu nin, helpu  
vin mem, ke la nomo enhavu iom  
da realeco.

*Hans Amund.*

# ESTU PRETA I

De la sekretario.

Pli bone ol iu alia persono mi, kiel sekretario, scias kiel fartas nia Ligo.

Kaj vere mi povas diri, ke nia Ligo vivas, kaj fartas pli bone ol iam dum la longa periodo en kiu mi estis ĝia sekretario.

La intereso de la skoltoj, kaj precipe de la skoltaj asocioj, por nia Ligo kaj nia Lingvo en multaj landoj estas pli granda ol nispartis en la antaŭaj jaroj.

Speciale la nova, aproba kaj apoga sinteno de la Monda Skolta Oficejo multe kontribuas al tio.

Tamen... restas por ni ankoraŭ grandega tasko, kiam ni vere deziras ke ni faru bonan impreson dum la venonta ĵamboreo en 1975.

Ne gravas, ĉu vi estas eta skolto aŭ impona persono en la socio. Gravus nur, ke ĉiu el ni faru sian eblon por disvastigi la scion pri nia Lingvo kaj Ligo inter ĉiuj, kiujn li renkontas.

Senlace, konstante...

Nur se ni ĉiuj tion komprenas, la rezultoj estos bonaj.

Eble eĉ pli bonaj ol ni nun kuraĝas supozi!!

Do: Faru vian eblon!



## ĈIAM PRETA I


### bonvenon:

Franz Schwärzler, Rathausstrasse 2 A, 6900 Bregenz, Aŭstrujo estas nia nova peranto. Li ne havos facilan taskon, ĉar ĝis nun la esperantistoj en Aŭstrujo donis malmulte da helpo al SEL.

Sed ni memoras la proverbon: Kio estas malfacile, tion ni tuj faros, kio estas neeble, al tio ni bezonos pli da tempo.

Bonvenon, frato, kaj sukceson!

## LA SKOLTA MONDO



### Zairo.

La registaro de la lando malpermesis ĉiujn religiajn asociojn por junuloj. Kvankam la "Asocio de Skoltoj de Zairo" ne estas religia, sed ankaŭ havas membrojn el armeaj rondoj (iamaj skoltoj ANC) kaj naciismaj rondoj (FEBOSCO) kaj Kibanganoj, granda parto de ĝiaj membroj estas katolika, kaj do la asocio estas trafita de la malpermeso. La skoltina asocio jam malfondiĝis. La belga libervola helpanto J.M. Brousiche reiris hejmen. D-ro L. Nagy de la Skolta Monda Oficejo interparolos kun prezidanto Mobutu pri maniero por solvi la problemon.

Klopodu, ke la skoltgrupo promesas lerni la lingvon kondiĉe ke grupo en alia lando faros la samon, tiel ke oni komune havu kontaktojn per Esperanto (vidu LSM 1973/2 paĝo 201 kaj en tiu ĉi numero). La kontakto kresku dum la studo.-

Labormetodo: La grupo promesu skribe, en du ekzempleroj: Ni lernos Esperanton tuj kiam skoltgrupo en eksterlando (ev. indikita lando) promesas la samon, por starigi komunan agadon en la kadro de la Skolta Interliga Programo.

La promeso estu nacilingva, sed kun traduko. La ĝen.sekr. de S.E.L. kolektos la promesojn, kaj tuj kiam du grupoj sin anoncos, li sendos al ambaŭ grupoj ekzempleron de la promeso de la alia grupo, kaj ili povas efektiviĝi la promeson. La alia ekzemplero restu ĉe li, kaj servu por kontrolo ĉu la sistemo vere funkcios.

### KORESPONDO

Barry Long, 14-jara skolto, 54 Kawika Rd., Whangarei, Nov Ze-lando, dez. koresp. kun samaĝa skolto aŭ skoltino.

Frank Dobbs, 8 Ailesbury Grove, 21-jara hospitala biokemiisto, deziras konatiĝi kun aliaj geskoltestroj. Okupoj: Glitflugado, Akŭalungnaĝado, fotografado, marskoltado.

Ŝtifter, Box 27215, Sunnyside, Pretoria, Sudafriko deziras inter-ŝanĝi skoltajn metalajn insignojn.

### Belgujo.

Skoltejo detruita pro lingvaj problemoj!

Belgujo estas dulingva lando: franca kaj flandra (=nederlanda) kaj jam plurfoje post septembro 1972 franc-lingvanoj detruis la skoltejon de la flandra skoltgrupo en Ukkel, dum la skoltejo de la franc-lingvaj skoltoj apud ĝi restis netuŝita. Eble la tutmonda amikeco de Esperanto povus esti bona ekzemplo por la detruantoj.

Skolta Interliga Pro-gramo.

Multaj skoltoj hezitas lerni la internacian lingvon pro timo, ke la rezultoj ne rekom-pencos la penon. Oni timas, ke oni ne trovos la deziratajn amikojn per nia lingvo.

Tial ni proponas NOVAN MANIERON varbi:





# Internacia Skoltado 2.

Dua serio de ideoj por kunlaboro inter diversnaciaj skoltgrupoj.  
+.+

## La ĉiutaga vivo.

Kion interŝanĝi ? Ĉiam oni klopodas inventi ion tre specialan.

Sed ofte la plej simplaj aferoj estas la plej sukcesplenaj.

Starigu kolekton de tre ordinaraj, ĉiutagaj aferoj por interŝanĝo kun la alia lando:

Ekzemplero de normala ĉiutaga gazeto, ilustrita revuo, skolta revuo,

ekzemplero de porjunula bild-rakonto, kelkajn lernejaĵ libroj, skatolo de alumetoj, moneroj, kaj kompreneble kelkaj fotoj de la skoltoj en ilia normala vivo.



+.+

## Internacia Konkurso.

Organizu konkursojn ekzemple pri desegnoj aŭ pri fotoj.

Invitu la skoltojn el aliaj landoj al partopreno. Zorgu ke vi havos spertan ĵurion por ekzameni la kolekton kaj decidi pri la premioj.

La kolekto estu montrata ne nur en via propra lando, sed ankaŭ en la alia lando.

Alia ebleco : perpoŝta ŝakludo kontraŭ la alia grupo. Ĉiu semajne vi sendas poŝtkarton kun la decidita movo al la kontraŭa partio. Tamen : vi bezonas multan tempon por nur unu ludo, kaj la kostoj de la'afranko estos regulaj kaj altaj.

+.+

## La bestoj.



Kiuj bestoj vivas en via regiono ?

Priskribu ilin, sendu fotojn kaj desegnojn.

Interesa aktiveco estas kolekti la voĉojn de birdoj kaj aliaj bestoj sur sonbendo.

Kiel eble plej multe uzu la eblecojn de la moderna tekniko : filmo, lumbildoj.

+.+

## La Radio .

La radio ebligas ne nur ke vi povas aŭskulti la voĉon de la aliaj skoltoj, sed ke vi povas rekte interparoli kun ili.

En oktobro de ĉiu jaro la Skolta Monda Oficejo organizas la "Radio-Jamboreon",

en la angla lingvo "Jamboree-on-the-Air" aŭ mallonge: "JOTA".

Partoprenu en ĝi. Raportu pri viaj kontaktoj al la Sk.Monda Oficejo en Genevo, Svislando : Boy Scouts World Bureau, Case postale 78,

CH 1211- Geneva-4, kaj al nia propra revuo.





# SIMPLA - MALKONSTRUEBLA EKSPOZICIO

Faru panelojn el latoj kun breto. La breto povas esti al mola aŭ el malmola materialo.

Se vi volas ion surglui: la malmola materialo estas la plej bona. Sur la mola materialo vi facile povas uzi puŝpinglojn.

Mezuroj: prok. 120x120 cm, kaj la alteco estu pr. 150 cm. Uzu latoj de 2½x5 cm.

Uzu ŝraubojn anst. najlojn por la konstruado.

Por faciligi la transporton kaj la konservadon, la paneloj povas esti malmunteblaj.

Por tio vi uzu: 1) ŝraŭbon kaj pecon de fero kun ŝlosila truo, aŭ 2) disigeblajn ŝarnirojn.

El la panelo vi faru vandojn.








Por kunigi la panelojn ekzistas diversaj manieroj:

- 1) per ruberoj, kiujn vi povas fari el malnova tubo de aŭtomobilo;
- 2) per peco de ligno kun du najloj aŭ ŝraubo, kiuj korespondas kun truoj en la latoj;
- 3) per peco de fortika ferdrato.

Faru vandojn el la paneloj, kun anguloj, zigzagaj, triangulaj, kaj en formoj de H kaj X.

Multaj malgrandaj, samformataj bildoj sur unu panelo estas enuiga. Ili ne kaptos la intereson. Pli bone estas uzi kelkajn pli grandajn bildojn, de diversaj grandecoj.

La homoj ne ŝatas stari longe por legi longajn tekstojn. Tial: la tekstoj estu kiel eble plej mallongaj!





Kelkaj paneloj ne havu breton, sed ornamo el ŝnuro.

Kompletigu la tuton kun floroj, plantoj, kaj standardoj. Kaj nun : invitu la publikon !

+.+

Inviti la publikon !

Jes, estas necesa ke mi menciu tion.

Ofte oni estas tiom aktiva en la aranĝo de ia festo aŭ ekspozicio, ke oni forgesas taŭge inviti la publikon.

Faru varbilojn - modeste stencilitaj, sed zorgu ke ili bone aspektas. Ke ili respeguligas la zorgon, kiun vi dedicias al ili.

Desegnu afiŝojn, kaj petu ke la homoj ilin pendigu antaŭ la fenestroj. Serĉu kontakton kun la loka gazeto, ke ili publikigu vian aferon, kaj sendu ĵurnaliston.

Invitu iun por oficiale malfermi la ekspozicion.

Denove : Uzu vian fantazion... jam tro ofte mi vizitis ekzpoziciojn , kiujn nur malmulte da homoj vizitis...simple ĉar la publiko ne sciis pri ĝi.

Kaj: estas konata fakto ke la homoj facile superrigardas invitojn kiujn ili nur unufoje vidas aŭ legas. Do : invitu grandskale !

+.+

La Plej Ofta Eraro !

Jen GRAVA AVERTO !

Ofte oni emas montri ĉion !

Tio tamen estas MALBONA ! Vi nur montru tion, kio estas belaspekta , kaj interesa. Pli bone estas fari malgrandan ekspozicion de nur interesigaj kaj belaj objektoj, ol amasigi ĉion kion vi povas trovi. Do : estu singarda !

+.+



Karaj amikoj, ĉu vi estas kontentaj ?

Mi esperas ke mi donis al vi multajn bonajn ideojn.

Klopodu transdoni iom da via entuziasmo, da via plezuro al aliaj homoj.

Montru al ili la plezuron de Skoltado, kaj la utilon de nia Internacia Lingvo.

Zorgu speciale, ke nia Skolta Esperanto-Ligo kresku. Ĉiam, kiam novaj membroj aliĝas la forto de nia Ligo grandiĝas , kaj ĝia valoro, ankau por vi mem !

Kaj - se vi sukcesplene ion faris : rakontu pri tio en nia revuo : " La Skolta Mondo " tio estas : la renkontejo por skoltoj de ĉiuj nacioj !

- Ni dankas al Brita Skoltasocio pro la ideoj por ekspozicioj -



**D**oktoriĝo de NR de SEL.

EDDY FREDERICKX, nia amiko kaj skoltrato akiris la titolon de "Doktoro en klasikaj lingvoj" ĉe la mondkonata universitato de Leuven, vendredon la 11-a de majo 1973 post sesjara prepara laboro. La solenaĵo okazis en la promociisalono sub prezido de prof. d-ro Beremans.

La temo estis: VIVO KAJ VERKO DE IOANNES GOROPIUS BECANUS (1519-1573), tro malmulte konata lingvisto kaj kuracisto de flandra origino.

Dum 20 minutoj Eddy prezentis sian tezon, kiu konsistis el 2 dikaj volumoj. Trankvile, serene kaj memfide li parolis en ĉeesto de familio kaj amikoj, de studentoj de lia klaso (profesie li estas profesoro) kaj de estroj kaj skoltoj de lia grupo

Poste la promotoro gratulis lin sed faris ankaŭ kelkajn rimarkigojn. Dum tio la promotoro menciis Esperanton, sciigante ke Eddy multe interesiĝas pri ĝi. Kvar aliaj ĵuristoj kritikis detalojn, sed dum 70 min Eddy eltenis la krucefajron sen timo, kun certa repliko.

Post 15-minuta interkonsiliĝo la ĵurio per ties prezidanto deklaris s-ron Frederickx Doktoro kun "granda distingo".

Niajn gratulojn al vi, Eddy! Dum ses jaroj vi konscie laboris al via disertacio, zorgis por edzino kaj bela infaneto, gvidis skoltrupon, donis konferencojn en kaj pri Esperanto, eĉ Esperantokursojn, akceptis la taskon de NR de SEL, ekkonstruis propran domon k. kc. Nun ni fidus, ke vi daŭre sukcesos labori por Esperanto, precipe por SEL en Belgujo.

Ni ne povas fini tiun raporton sen esprimi omaĝon al Nikol, la ĉarma kaj sindona edzino de Eddy. Li mem omaĝis ŝin, dirante ke li ne estus sukcesinta sen ŝia silenta kaj diskreta helpo.

Jovogo.

# BREGENZ

La rondo de partoprenantoj de nia kunveno en Bregenz estis nur malgranda: 14, el tri landoj.

Ĉeestis multaj nederlandanoj - kaj ne ĉiu estis aktiva skolto. Oni pensus, ke tio devus malsukcesi!

Tamen ni havis bonegan tempon. Franz Schwärzler, iama skoltestro en Bregenz, zorgis pri tre interesa programo, kaj lerte eluzis ĉiujn eblecojn por propagandi nian ligan inter la skoltoj de sia regiono.

Dum varmega tago ni vizitis la belegan insulon Mainau en la Boden-lago, dum same varmega tago ni naĝis. Sed ni ankaŭ ĝuis la belan naturon kaj vizitis interesajn lokojn.

Dum unu tago ni grimpis monton ĝis monta kabano, kie ni tranoktis. La intenco estis daŭrigi la vojaĝon al ia montpinto, sed pro la pluvo ni devis reiri al la valo. Tamen la tranokto en la "Tilisuna hütte" jam estis speciala sperto por ĉiuj el ni.

Je ĵaŭdo, la 5-an de julio Franz invitis la skoltestrojn de la regiono al komuna manĝo, kaj agrabla vespero. En amikeca atmosfero ni kune kantis, inter alie el la nova kantareto de SEL, kaj dume babilis kun la aŭstraj skoltoj. Oni facile komprenas ke ofte nia Ligo estis la temo de la paroladoj.

Oni deziris al ni pruvon pri la eblecoj de Esperanto, kaj aŭskulti la sononde ĝi, kaj kiam ni aŭdigis internacian paroladon, la interveno de la du junaj italaj skoltestoj, Alessandro kaj Flaviano (9 kaj 11 jaraĵ) estis speciala pruvo pri la utilo de nia lingvo.

Vizitis nian ankaŭ sinjoro Otto Walder, prezidanto de la Svisa Esp.-Movado, kun kiu ni havis interesan kontakton.

Lia helpo certe utilos por revivigi la Esperanto-vivon en la

# La ŝipestro kaj Maljuna-Eriko

Iam vivis ŝipestro, kiu estis en ĉio, kion li komencis, neklarigeble bonŝanca. Neniu krom li ricevis tiajn ŝarĝojn, kaj neniu gajnis tiom da mono, ĉar la mono saĝne sin ĵetis al li, kaj speciale neniu kapablis kompari sin kun li dum vojaĝoj, ĉar kie ajn li vojaĝis, la vento blovis en la vojaĝdirekto, jes, oni diris, ke se li nur turnus sian ĉapelon, la vento sin turnus laŭ ĝi.

Tiel li vojaĝis dum jaroj, kaj en la lignotransporto, kaj en la Ĉinujo-trafiko, kaj monon ligajnis kiel herbo. Sed iam li rapidis hejmen trans La Norda Maro per ĉiuj veloj, kvazaŭ li estus ŝtelinta kaj ŝarĝon kaj ŝipon.

Sed iu lin ĉasis, kaj li eĉ pli rapidis. Estis Maljuna-Eriko (la diablo. rim.de trad.), ĉar kun li la ŝipestro iam skribis kontrakton, kiel oni ja facile povas kompreni, kaj en tiu ĉi tago la tempolimo pasas, nun ĉiumomente li povus atendi lian alvenon por lin kunpreni.

Nu, la ŝipestro venis sur la ferdekon el la kajuto, kaj poste al la supro de la takelaĵo, kaj tiam li vokis la ĉarpentiston kaj ankoraŭ kelkajn virojn, kaj ordonis ke ili iru malsupren en la ŝarĝujon kaj haki du truojn trans la fundon de la ŝipo, kaj farinte tion meti la pumpilojn tien, tiel ke akvo ne venis al la ŝarĝo sed staris alte en la pumpiloj.

La viraro kompreneble miris pro tio, kaj opiniis tion strangege laboro, sed ili faris laŭ la ordono de la ŝipestro, ili hakis du truojn kaj tien metis la pumpilojn kaj faris tian laboron, ke eĉ ne akvoguto venis al la ŝarĝo, sed en la pumpilojn la maro penetris ĝis sep futojn.

Ili apenaŭ finiĝis sian laboron, ke la elhakitaĵo ne estu videbla, kiam Maljuna-Eriko alvenis en iu ventblovo kaj prenis la ŝipestron per la kolumo.

"Momenton, ne tiel urĝas", diris la ŝipestro, kaj tuj komencis sin liberigi de la ungegoj kiu tenis lin. "Ĉu vi ne faris kontrakton kun mi, ke la ŝipon vi ĉiam tenos densa kaj senakva?" diris la ŝipestro. "Ho, vi ne estas fidinda. Mezuru la akvon en la pumpiloj! La akvo penetris ĝis sep futojn en la tuboj. Pumpu, diablo, kaj pumpu ĝis venos ne plu akvo en la pumpilo, kaj poste prenu min al la infero, se vi tion deziras!"

Maljuna-Eriko ne estis tiel saĝa ke li ne lasis sin trompi. Jen li eklaboris kaj ŝvitegis, tiel ke la ŝvito fluis kiel riveretoj laŭ lia dorso, kaj oni povus uzi tiuj riveretojn por muelilo plej malalte ĉe lia postaĵo, sed li pumpis el la Norda Maro kaj en la Nordan Maron. El tiu laboro li iom post iom laciĝis, kaj kiam li ne plu eltenis, li enplena furiozo rapidis hejmen al sia prava avino por ripozi.

La ŝipestron li lasis resti ŝipestro dum li mem volis, kaj se li ne estas jam mortinta, li certe ankoraŭ vojaĝas kaj velas tien, kien li volas, kaj turnas la venton laŭ turnoj de la ĉapelo.

(Norvega popolfabelo  
laŭ Asbjørnsen. HAR)

## Bregenz

(Daŭrigo)

okcidenta parto de Aŭstrujo.

Antaŭ iri hejmen kelkaj partoprenantoj ankoraŭ konatiĝis kun skoltgrupo el Germanujo, kiu tiam alvenis por loĝi en la kabano. Ni rakontis al ili pri niaj spertoj kaj lasis por ili kelkajn ekzemplerojn de nia lernolibro, pri kiu ili interesiĝis.

Entute: agrabla, interesa kaj certe: tre utila kunveno!



**NACIAJ REPRESENTANTOJ:**

- Aŭstralio:** s-ro S.H.Milligan, 14 Kerry Close, Doncaster, E 310g, Victoria
- Aŭstrujo:** s-ro Franz Schwärzler, Rathausstr. 2., 6900 Bregenz
- Belgujo:** s-ro Eddy Frederickx, Paasbloemstraat 31, B-2060 Merksem-Antwerpen, Poŝtĉekk 9978.93. Tel (03)4524.76.  
s-ro L.J.van Gulck: telefono (03)3688.08. Poŝtkonto Belga Skolta Esperanto-Sekretariato 327460.
- Brazilio:** s-ro Euclides C. Soares, Av. Almirante Tamandare 979, Belem, Para
- Britujo:** s-ro C. Bardsley, 42 Westbourne Str., Oldham, Lancs.
- Danlando:** s-ro A. Petersen, Blistrupsv 8, DK-2610 Rødovre. Tel 707157
- Finnlando:** s-ro Seppo Tella, 9 kp, SF-55950 Imatra 95, Tel 954-51130
- Germanujo:** s-ro Georg D Winkler, Jaegerstr. 27, D-42, OB Sterkrade
- Hispanujo:** s-ro Pedro Marqueta, F el Catolico 32, 5<sup>o</sup> izqda, Zaragoza. Telefono 252044
- Irlando:** s-ro Frank Dobbs, 8 Ailesbury Grove, Dublin 4
- Italujo:** prof F Tulone, Via Frangipene 8, I-92019 Sciacca, Agrigento. Telefono 21.198
- Japanujo:** s-ro Sinzo Sumiya, Daido Kagaku Sooti K.K. 16, Suekirotyo Kitatu, Osaka.
- Kanado:** s-ro John H.F. Hoyle, Box 421, Forest Ont.  
Helpa NR: s-ro Paul Ronald, 45, 10th Ave., Roxboro, Queb.
- Nederlando:** s-ro B.J.Wijmer, Stuyvesanstr 114, Den Haag 2021. Tel 85 23 59  
J.K.Hammer: Telefono 02980-66931. Poŝtkonto 632246.
- Norvegujo:** s-ro H.A.Rosbach, Nergt 37c, N-6500 Kristiansund. Tel 4773-77620. Poŝtkonto 8030413.  
J.Berggreen, Tel 472-283035. Poŝtkonto 201621
- Novzelando:** s-ro D.B.Pease, Flat 2, 8 Dent Street, Whangarei.
- Portugalujo:** s-ro J.de Matos Correia, Rua Cidade da Horta, Lote Q-5-3<sup>o</sup>, Pontinha, Lisboa 4.
- Usono:** s-ro Ken Meyer, 1418 West Elm Street, Oxnard Cal. 93030.
- Zaire:** s-ro Paul Deloin Nzemba-Paku, B.P. 280, Limete, Kinshasa.

**Informoj pri membreco:**

En landoj kun Nacia Sekcio: Informiĝu ĉe la N.R., kaj pagu al li la landan kotizon.

Individuaj membroj (Nur en landoj sen N.R.): Kotizo inkl. abono:

Junuloj ĝis 18 jaraj: Nederlandaj gld 3.30 aŭ egalvaloro.


Pliaĝuloj: Ned. gld. 5.00 aŭ egalvaloro.

Subtenantoj: Minime Ned. gld. 5.00 aŭ egalvaloro.

Oni pagu al la kasisto, aŭ se necese al la sekretario.



"ESTU PRETA"



Al nia konkurso ne venis tiom da leteroj, kiom indikas la bildo kaj via kontribuo estas bona.

Unu kontribuanto sendis neuzitajn poŝtmarkojn je valoro de ĉ. 5, tio kompreneble estas neneceza, sed donas agrablan helpon al la financoj ĉar tio estas mono uzata por afrankoj ĉe la redaktoro.

Ankaŭ la uzitaj poŝtmarkoj

havas valoron, kaj tial helpas al niaj financoj, kvankam ĝis nun nur modeste. Do bonvenon al pluraj!

## LA SKOLTA MONDO

Limtempo por manuskriptoj kaj anoncoj:  
1-a de Februaro, Majo, Aŭgusto kaj de  
Novembro.

REDAKCIO: N-6500 KRISTIANSUND

NE ISSN 0037-6558

